

排鍊金丹九轉功成日重去也免投胎

翫丹砂

一片無爲霜雪心自然塵事不能侵長舒雲袖舞雙林九轉丹砂生紫霧一溪白玉養黃金山侗唯恨少知音

又

物外修持物外傢搜玄搜妙認根源牢擒意馬與心猿先把龍虎收在鼎自然鉛汞得歸元神凝氣結性團圓

過漢陂道友索詞

若匪雲遊到漢陂爭知此處隱瑤池人人怪我不留題壁上珠璣碑上玉交光燦爛有餘輝何須馬鉦再吟詩

道藏輯要

漸悟集

三

胃集七

贈趙公

萬種千般教得人怎生教你絕心塵悟來方可得良因怕死自然恩愛斷忘機決定氣神清無爲清淨合天真

寄南京道友

自愧無緣去大梁亦無心意學賢良夷門道友我思量予在環墻調水火諸公何日絕炎涼山侗叮囑悟黃梁

因觀無爲菴寄憶胡子金

霞友中條胡子金金波玉灩滌胸襟襟懷雲水到如今看無爲菴妙記記中字字燦予衿衿拖光彩怎生禁

贈藥趙仙

一志投玄絕利名二無塵事氣神清三光攢聚永安甯四序不  
分真造化五般霞彩結成形六銖衣掛鶴來迎

又思胡子金

好箇中條胡講師通儒明道達禪機自然悟解這些兒石女醉  
歸金虎窟鐵牛耕入火龍池胎仙採得紫靈芝

勸道眾

七十光陰似箭忙夜消其半可悲傷那堪日日頓無常更想上  
床鞋履別尋思戀箇甚郎娘不如物外做風狂

贈解劉仙

奉勸須看清靜經脫仙模子好搜尋湛然常寂理幽深常處真

道藏輯要

漸悟集

三

胃集七  
川川又

常常應物自然無欲亦無心運行日月作知音

贈劉處玄

無作無爲道庶幾不須把釣坐漁磯常清常淨好根基玉液通  
傳心絕慮金光漑濟性忘機處玄通妙合三機

贈清風散人明月散人

鍊到無心正用功玉堂深處弄清風倒顛顛倒結殷紅萬派寒  
泉枯藥鼎一輪明月出圭峰本來面目赴仙宮

自詠

昔日施爲狡猾心聞人活路向前侵暗生荆棘開如林不顧傷  
神並損氣欲求積玉更堆金行屍走骨作知音